



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

Art. I. Demonstratur in Deo esse perfectissimam libertatem,

---

[urn:nbn:de:hbz:466:1-77232](#)

# DE LIBERTATE VOLVNTATIS DEI. 393

Potest. Nihil enim in fide & naturali ratione apertius, & manifestius, quam Deum habere libertatem; nihil in Theologia intricatus & occultius, quam modum, & naturam libertatis ejus exponere. Utrumque tamen breviter in hac disputatione præstandum est, & existentia, ac quiditas divina libertatis, quæ brevitate & perspicuitate poterimus, explicanda sunt.

## ARTICVLVS PRIMVS.

*Demonstratur in Deo esse perfectissimam libertatem.*

**A**ristoteles & quidam aliqui Philosophi, quorum meminit D. Thomas infra quest. 25. art. 5. libertatem Dei cum ejus immutabilitate conciliare non valentes, eam negarunt, ac dixerunt Deum agere ex necessitate naturæ; ex quo Aristoteles intulit mundum esse ab aeterno. Veram etiam in Deo libertatem negasse videntur Wicel, Abailardus, Bucerus, & Calvinus, teste Bellarmino libro 3. de gratia & libero arbitrio, cap. 15. & 16. à quorum sententia, vel potius errore, non multum videtur recedere Aurelius in 1. dist. 40. art. 1. ubi docet libertatem esse tantum in Deo metaphorice. Contra quem errorem militat in primis Scriptura pluribus in locis, in quibus libertas Deo attribuitur: dicitur enim Psalmi 134. *Omnia quæcumque volunt Dominus fecit: Psalm. 93. Deus ultionum liberè egir.* Matth. 11. *An non licet mihi quod volo facere?* & 1. ad Corinth. 12. dicitur de Spiritu Sancto, *Hec omnia operantur unus atque idem Spiritus, dividens singulis propter vult.* Quæ verba exponens D. Ambrosius libro 2. de fide cap. 3. dicit, *Spiritus Sanctus dividit singulis propter vult: id est libero voluntatis arbitrio, non necessariis obsequio.* Denique hanc veritatem confirmant omnia Scriptura loca, in quibus Deus dicitur præstare misericordiam, preces nostras exaudire, mutare sententiam &c. Si enim ageret ex necessitate naturæ, neque misereri posset, neque precibus moveri, quia ageret ut determinatus ad unum.

Naturalis etiam ratio sufficiens præbet principia ad libertatem Dei demonstrandam. Primo quia libertas est maxima perfectio, nullum includens defectum, & de numero earum quæ, simpliciter simplices, à Theologis nuncupantur. Ut enim dicit D. Bernardus in Cantica: *Arbitri libertas est plane quid divinum, præfulgens in anima, tanquam gemma in auro:* Cùm ergo Deus sit infinite perfectus, omniesque perfectiones simpliciter simplices, formaliter in se contineat, est etiam perfectè liber.

Secundo, Libertas est quoddam dominium vel in actus, vel in objecta: Sed Deo perfectum competit dominium, saltem in objecta volita; est enim omnino independens à creaturis: Ergo & perfecta libertas.

4. Tertiò, ut discurrat Angelicus Doctor 1. contra Cent. cap. 81. Voluntas non fertur necessario ad ea quæ sunt ad finem, si finis sine illis haberi possit; Medicus enim v. g. non necessitatur ea medicamenta adhibere, sine quibus æger sanari potest: Cùm igitur divina bonitas, quæ sola est finis voluntatis divinae, sine creaturis subsistat, & sit ab illis omnino independens, Deus est libertimus circa creaturem.

5. Quartò, Res procedunt à Deo sicut artificia.

Tom. I.

**A**lia ab artifice: Sed artifex quamvis velit in se habere artem, non tamen ex necessitate vult artificiata producere: Ergo Deus similiter non vult creaturem ex necessitate, sed ex perfecta libertate creare.

**B** Quintò, Omnis natura intellectualis habet non solum voluntatem, sed etiam liberum arbitrium: Atqui Deus est natura intellectualis: Ergo in eo non solum est voluntas, sed etiam liberum arbitrium. Major hoc discursu suadetur. Natura intellectualis triplici gaudet universalitate & amplitudine, quæ carent alia naturæ rationis expertes. Prima est universalitas in essendo, quatenus per formas apprehensas, & per species intelligibiles, potest fieri omnia, & recipere naturas, & quidditates omnium rerum; non quidem in esse naturali & entitativo, sed intelligibili & representativo, ut in Traictatu de visione beata fusæ declaravimus. Ex hac universalitate oritur altera, nempe in judicando, quatenus potest in omnem faciem vertere objecta, & considerare illa, ut sunt digna amore vel odio, & ut sibi necessaria, aut utilia, vel convenientia; ex qua nascitur tertia, quæ est in appetendo, ratione cuius potest velle vel nolle, eligere vel non eligere quæcumque bona particularia, quæ non habent cum summo & primario bono necessariam connexionem, & in hac tertia universalitate consilium formaliter ipsa libertas: Ergo omnis natura intellectualis habet non solum voluntatem, sed etiam liberum arbitrium. Ita discurrat S. Doctor quest. 23. de veritate art. 1. ubi probat Deum esse summè liberum, quia est in supremo gradu immaterialitas, & colligit libertatem & indifferentiam in agendo, ex universalitate in essendo, & judicando.

Denique, Perfecta Dei libertas in operando demonstrari potest alia ratione quæ utitur idem S. Doctor 1. parte quest. 42. art. 2. ubi ait: quod dupliciter tantum contingere potest quod aliquis effectus non sit coœvus suo agenti, sed sit tempore posterior. Primo, si sit agens voluntarium, seu liberum, potest habere effectus posterioris tempore; quia sicut potest eligere agere vel non agere, ita & hoc vel illo tempore agere. Secundo, si sit agens naturale, contingere ei tantum potest, quod non habeat effectum sibi coœvum, seu statim ex quo est, quia non habet virtutem completam ad agendum: Sed mundus non est coœvus Deo ex hac posteriori ratione, ut constat: Ergo ex priori.

Neque obest divina libertati impotentialia ad peccandum, ut enim docet D. Thomas infra quest. 62. art. 8. ad 3. posse peccare non pertinet ad effientiam, sed ad defectum libertatis. Unde Augustinus libro 22. de civit. cap. 3. *Certè Deus ipse, nunquid quia peccare non potest, ideo liberum arbitrium habere negandus est?* Non requiritur etiam ad perfectam libertatem indifferentia ad diversos actus (hæc enim dicit potentialitatem, nec stare potest cum divina voluntatis immutabilitate) sed sufficit indifferentia ad diversa objecta, quæ non habent necessariam connexionem cum primario objecto divina voluntatis, ut constabit ex dicendis articulo sequenti.

D D d